

Heimastjórn Seyðisfjarðar.

Fyrir u.þ.b 20 mánuðum gerðum við sem notum íþróttasalinn á Seyðisfirði athugasemdir við ófullnægjandi lýsingu í honum og við innganginn að húsinu. Sendir voru tölvupóstar á Múlaþing varðandi þetta (sjá meðfylgjandi pósta) og var þetta einnig ítrekað á íbúafundi heimastjórnar 24. maí sl. Þar kom m.a. fram að beðið væri eftir hönnun á verkefninu. Enn hefur engin lausn fengist á þessu ástandi. Óskum við góðfúslega eftir að heimastjórn Seyðisfjarðar ýti á að þetta verði klárað og eins hvernig hún áformar að fylgja málinu eftir.

- Að stofni til eru flúrperur í salnum frá árinu 2017 slíkar perur hafa að jafnaði 2 – 3 ára endingartíma.
- Forstöðumaður hefur reynt að skipta út ónýtum perum en að hans sögn endist það ekki lengi.
- Það eru 300 perur í loftlýsingunni í salnum, í maí sl. voru 25-30 % þeirra alveg dauðar og rétt týrði á mörgum til viðbótar. Svipuð staða er á perunum í dag þ.e. 77 perur ónýtar.
- Fyrirhugað er að setja LED perur í salinn. Ljóst er að með slíkri aðgerð verður veruleg lækkun á orkunotkun.
- Aðkoma að íþróttamiðstöðunni er ekki boðleg, ljósastaurar sem eiga að lýsa upp svæðið hafa ekki lýst í einhver ár. Eina lýsingin er skin frá ljósum í gluggum Herðubreiðar en þau eru ekki alltaf kveikt, sérstaklega ekki snemma morguns og á kvöldin. Það er ljóst að þarna er slysgildra þegar fólk er að paufast að eða frá húsinu í myrkri, sérstaklega í hálku.
- Heyrst hefur að ljósastaurarnir séu ónýtir, ef svo er væri hægt að leysa lýsinguna til bráðabirgða á mjög einfaldan hátt þar til staurunum verður skipt út. Hægt væri t.d. að setja LED ljóskastara á þakið yfir andyrinu, sem væri fótósellustýrður (ljósnemi).
- Þegar íþróttamiðstöðin var byggð fengum við bæjarbúar fjölnota íþróttahús sem bar af hvað glæsileika varðar. Það er leiðinlegt að sjá hvernig húsið er nú að drabbast niður vegna viðhaldsleysis. Við hvetjum heimastjórnina til að kynna sér ástandið á húsinu og búnaði þess og vinna að úrbótum á bráðri viðhaldsþörf.

Fh. þeirra sem stunda badminton í salnum.

Seyðisfirði, 29. september 2023

Virðingarfyllst,
Gunnar Sverrisson